

M. Fernand Etgen, Président | Merci, Här Kersch.

M. Dan Kersch (LSAP) | Ech hoffen, dass och den Här Goergen dat elo gemierkt huet a sech net ..., well wann en u sech konsequent ass mat deem, wat en elo déi ganz Zäit hei gesot huet, da kann en net fir déi Motioun hei stëmmen.

M. Fernand Etgen, Président | Merci, Här Kersch. An dann huet den Här Gilles Baum d'Wuert gefrot.

M. Gilles Baum (DP) | Merci. Mir hate jo déi Motioun schon eng Kéier um Ordre du jour hei. An effektiv ass et esou, dass fir den onqualifizéierte Mindestloun an der Steuerklasse 1 Steieren ze bezuele sinn. A fir de qualifizéierten och. Dat heescht, an der 1a an an der 2 si keng Steieren ze bezuelen. An d'Steierlaascht läit bei 4 %. Dat heescht: Wann een elo seet, der Chamber e Projet virzeleeën, fir de Mindestloun integral vun der Akommessteuer ze befreien, dann ass dat jo zum Deel net richtig, well jo schon en Deel vun deene Leit, déi de Mindestloun kréien an der Steuerklasse 2 an an der 1a, keng Steiere bezuelen. Also ass ... De Wording hei ass net ganz korrekt. An dofir géif ech menger Fraktioun proposéieren, déi Motioun hei net matzedroen.

Mme Lydie Polfer (DP) | Très bien!

M. Fernand Etgen, Président | Merci, Här Baum. An da ginn ech d'Wuert weider un d'Madamm Nathalie Oberweis.

Mme Nathalie Oberweis (déi Lénk) | Merci, Här President. Mir droen dat heiten och net mat, well mir hunn do eng aner Approche. Mir sinn derfir, dass de Mindestloun gehéicht gëtt – substanziiell gehéicht gëtt! –, éischens emol.

A mir mengen och net, dass een et sollt steierfräi maachen, well mir mengen, dass jiddweree soll d'Recht hunn, Steieren ze bezuelen am Sënn, wou een, wann ee Steiere bezilt, och gebonnen ass un d'Allgemenggutt. Et mécht een dat jo och, fir Deel ze si vun engem groussen Ganzen.

Also, mir mengen net, dass ee keng Steiere soll bezuelen, well ee soss herno riskéiert, ausgeschloss ze ginn. Jo, et ass och e Lien, deen een huet. Dofir ass et wichteg, Steieren ze bezuelen.

Mee et soll natierlech ... De Mindestloun soll op jidde Fall gehéicht ginn, also konsequent gehéicht ginn, wéi mir et och schonn hei proposéiert hunn. Dofir droe mir dat heiten net mat.

M. Fernand Etgen, Président | Merci, Madamm Oberweis. Dann nach eng Kéier den Här Reding.

M. Roy Reding (ADR) | Jo. Just ganz, ganz kuerz, fir Saache richtegstellen. Et geet hei net ëm de gesamte Steuerbarème. Et geet hei ganz speziell ëm d'Kategorie vum Mindestloun.

Dann, et gëtt, Här Baum, et gëtt ... Och an der Steuerklasse 1a bezilt ee Steiere beim qualifizéierte Mindestloun, fir och dat nach eng Kéier richtegstellen.

(Brouhaha)

An dat Drëtt ass: Wann Der d'accord sidd, et matzestëmmen, wa mer deen Hallefsaz ewechloossen „an dëst ouf final Inzidenz op d'Steierkreditter“, a mir beschränken eis drop ze soen: „de Mindestloun integral vun der Akommessteuer ze befreien“, da wäre mir duerchaus d'accord, dat esou ëmzeformuléieren, wann dat Iech dann hëllef, Ärem Häerz e Stouss ze ginn.

(Interruption)

M. Fernand Etgen, Président | Merci, Här Reding.

(Interruption)

Ech gesi keng Wuertmeldung. Den Här Gilles Roth, wannechgliff.

M. Gilles Roth (CSV) | Mir wollten eigentlech net intervenéieren, well mer dem Här Kersch seng Argumentatioun, déi mir de Moien nach am Numm vun der CSV gemaach ..., well mer déi deelen.

Mee wann awer elo sollt do Stopp sinn, dass een einfach seet, de Mindestloun soll vun der Akommessteuer befreit ginn, do hu mir kee Problem. Mir hate de Moien e Wee proposéiert, dass een dat duerch en degressive Steuerkredit ..., well et ass net ganz vill, et ass an der Steuerklasse 1, wou et ufält, an der Steuerklasse 1a an an der Steuerklasse 2. Een, deen um netqualifizéierte Mindestloun schafft, ech mengen, dee bezilt keng Steiere méi. Mee wann e Punkt ass hannert „befreit“, da kënne mir dat matstëmmen. Dat ass och dat, wat mir de Moie gesot hunn.

M. Fernand Etgen, Président | Merci, Här Roth. Da ginn ech d'Wuert erëm eng Kéier zrëck un den Här Kersch.

M. Dan Kersch (LSAP) | Fir eis ass dat net d'Léisung vum Problem. Ech hat de Moie gesot, mir géifen eis als Majoritéit hei net ausenanerdréiwe loosse. Mir hu virdrun d'Prioritéit vun der Regierung ganz kloer héieren. Et geschitt awer eppes, fir d'Leit ze entlaaschten, haaptsächlech déi an den ënneschten Akommeskategorien. An duerfir wäerte mir dës Motioun net matstëmmen, och wa mer eis Meinung zu där Thematik ganz kloer ausgedréckt hunn.

M. Fernand Etgen, Président | Ech mengen, da kënne mer elo zum Vott vun der Motioun kommen.

D'Ofstëmme fänkt un.

(Brouhaha)

Plusieurs voix | Här President ...

M. Fernand Etgen, Président | Déi geännert, déi modifizéiert Versioun vun ..., wéi den Här Reding et virdru proposéiert huet.

Vote sur la motion 2 modifiée

D'Ofstëmme fänkt un. Mir maachen elo de Vote par procuration. De Vott ass ofgeschloss.

Dës Motioun ass mat 27 Jo-Stëmme géint 32 Nee-Stëmme ofgeleent.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden (par Mme Nancy Arendt épouse Kemp), Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Georges Mischo (par M. Serge Wilmes), Mme Octavie Modert, M. Laurent Mosar, Mme Viviane Reding (par Mme Octavie Modert), MM. Gilles Roth, Jean-Paul Schaaf, Marc Spautz, Serge Wilmes, Claude Wiseler et Michel Wolter ;

MM. Jeff Engelen, Fernand Kartheiser, Fred Keup et Roy Reding ;

MM. Sven Clement (par M. Marc Goergen) et Marc Goergen.

Ont voté non : MM. Guy Arendt, André Bauler, Gilles Baum, Mme Simone Beissel, MM. Fernand Etgen, Gusti Graas, Max Hahn, Mme Carole Hartmann, MM. Pim Knäff (par M. Max Hahn), Claude Lamberty et Mme Lydie Polfer ;

Mme Simone Asselborn-Bintz, M. Dan Biancalana, Mmes Tess Burton, Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary (par M. Marc Hansen), M. Marc Hansen, Mme Josée Lorsché, M. Charles Margue et Mme Jessie Thill (par Mme Djuna Bernard) ;

Mmes Myriam Cecchetti et Nathalie Oberweis.

Domadder hu mer dës Punkt ofgeschloss.

5. 8000B – Projet de loi relative à une subvention de loyer

Den nächste Punkt um Ordre du jour vun haut de Mëten ass de Projet de loi 8000B iwwer eng Loyeressubvention. D'Riedezäit ass nom Basismodell festgeluecht. An d'Wuert huet elo d'Madamm Rapporteuse vum deemem Projet de loi, déi honorabel Madamm Semiray Ahmedova. Madamm Ahmedova, Dir hutt d'Wuert.

Rapport de la Commission du Logement

Mme Semiray Ahmedova (déi gréng), rapporteuse | Merci, Här President. Léif Kolleginnen a Kollegen, ech stellen Iech haut e weidere Gesetzesprojekt vir am Kader vun den Aiden, déi an der Tripartite decidéiert goufen, nämlech d'Erhéijung an d'Erweiderung vun der Subvention loyer. Et sollt bemierkt ginn, datt et am Ufank geplangt war, all d'Logementsmesuren am éischte Gesetzesprojekt mat der Nummer 8000, zesumme mat deenen anere Mesuren, einfach ze transposéieren. Mee nom Avis vum Staatsrot huet déi speziell Tripartite-Kommissioun decidéiert, den initiale Projet an zwee Deeler opzedeelen mat den Nummern 8000A a B.

Dës Gesetzesprojekt mat der Nummer 8000B, deen de Volet Logement ofdeckt, soll scho fir den 1. August 2022, dat heescht, dës Joer, all d'Adaptatiounen vun der Mietsubvention aféieren. Ursprénglech sollten dës Aiden am Reformprojekt 7938 definéiert ginn. Duerch d'Tripartite gëtt dës Reform awer virgezunn an de Montant nach zousätzlech erhéicht.

Wat ännert sech elo konkret?

Ma de maximale Montant, zum Beispill, fir Stéit, déi aus enger Persoun bestinn, gëtt ëm 50 Euro de Mount erhéicht an allgemeng gëtt de Montant vun den Aidë fir déi Stéit, déi eligibel sinn natierlech, an der Moyenne ëm 50 % an d'Luucht gesat par rapport zu der aktueller Situatioun. De Montant gëtt dem Akommes – a sou dem Liewensstandard – ugepasst a Famille-monoparentale ginn och hei besser consideréiert.

De Plaffong vum Akommes, deen u sech maassgeeblech ass, fir kënnen Aiden ze kréien, gëtt erhéicht. An domadder erlaube mer u sech, datt méi Stéit Recht hunn op eng Subvention de loyer.

Ech wollt Iech awer natierlech och e konkret Beispill ausrechnen, well et ass meeschtens méi ..., kann ee sech dat bildlech méi einfach virstellen.

Ech hunn elo eng Koppel geholl mat engem Kand, wou d'Akommes am Joer, de Revenu annuel, bei ronn 55.000 Euro läit. Si hätte Recht op 320 Euro Subvention de Mount, fir hire Loyer ze bezuelen. Am ganze wieren dat op d'Joer gesi ronn 4.000 Euro.

Domadder ginn ech da kuerz op d'Aarbechte vun der Kommissioun an. Et ass interessant, dee ganze Volet ze gesinn, well et gesäit een, datt wierklech ganz schnell hei an der Chamber geschafft ginn ass an deem Kontext.

Den 29. Abrëll 2022 gouf an der Chamber de Gesetzesprojekt 8000 deposéiert, deen déi verschidde Mesuren ëmsetze soll, déi am Tripartite-Accord vum 31. Mäerz virgesi waren.

Den 20. Mee huet de Staatsrot säin Avis zum Gesetz ausgeschwat an opgrond vun der Kritik vum Staatsrot gouf jo, wéi ech virdru gesot hunn, decidéiert, dat Ganz an zwee opzedeelen. D'Artikelen 1 bis 19 betreffend de Volet Logement sinn dann zu engem eegene Projet gi mat der Nummer 8000B.

De Gesetzesprojekt gouf och vum Logementsminister der Logementskommissioun an der Sitzung vum 2. Juni virgestallt.

Mir kruten och e puer Avisa vum de Beruffskummen, mee op déi kommen ech méi spéit nach eng Kéier zréck.

D'Logementskommissioun huet och den 10. Juni eng Rei vun Amendementen ugeholl.

Den 21. Juni krute mer den Avis complémentaire zum Gesetzesprojet an den 30. hu mer dat an der Logementskommissioun och analyséiert.

De 4. Juli kruten d'Membere vun der Logementskommissioun de Rapport geschéckt a mir konnten deen de 7. Juli formell an der Kommissioun unhuelen.

Elo méi am Detail, méi ausféierlech den Avis vum Staatsrot: A sengem Avis vum 20. Mee mécht de Staatsrot eng Rei vun Observatiounen an awer och eng Rei vun Opposition-formellen. De Staatsrot ass formell géint d'Definitivitéit vun enger „communauté domestique“, well hei wier et net kloer, ob den Demandeur selwer mat abegraff ass oder net. Geméiss dem Paragraf 3 vum Artikel 1 ass et un der Persoun, déi soss anzwousch anescht wunnt, de Beweis ze liwweren, datt se net an där Wunneng ass, fir déi d'Mietsubventioun am Fong gefrot gëtt. Och hei huet de Staatsrot u sech Bedenken a si sinn am Fong dergéint, well et dem Prinzip vum Contradictoire widder-spricht.

Ausserdeem gesäit de Staatsrot keen objektive Grond, en Ënnerschied ze maachen zwëschen enger Persoun, déi e schrëftlechen oder eeben e mündleche Mietvertrag ofgeschloss huet. Dofir, op Propos vum Staatsrot, hu mer am Text „par écrit“ einfach ewechgelooss.

A sengem Avis complémentaire vum 21. Juni mécht de Staatsrot nach eng weider Suggestioun, fir den Text ze verbesseren, fir datt en och méi kloer ass, nämlech datt „chacune des personnes“ sollt hei duerch „chacun des membres de la communauté domestique“ ersat ginn. An d'Logementskommissioun hëlt dat natierlech och esou un. Esou kann de Staatsrot schlussendlech all seng Opposition-formellen ophiewen.

Ech kommen dann zu den Avisa vum de Beruffskummen.

Den Avis vun der Chambre des Fonctionnaires et Employés publics ass de 17. Mee komm. Déi sinn natierlech frou a begrëssen déi Subvention de loyer, déi erhéicht gëtt.

Den Avis vun der Chambre des Salariés ass de 17. Mee komm. An hirem Avis begrësse si och d'Erhéijung vun der Mietsubventioun a proposéieren u sech, datt de Montant sollt automatesch un d'Variatioun vun de Liewenskäschten ugepasst ginn. Si begrëssen och d'Erhéijung vun der Grenz vum Akommes, soudatt dee Moment méi Stéit eligibel sinn.

D'Chamber plädéiert ... also, d'Chambre des Salariés plädéiert fir eng Sensibilisatioun an eng Informationscampagne fir sécherzestellen, datt och alleguerten d'Stéit sech hire Rechter bewosst sinn.

Den Avis vun der Chambre de Commerce ass den 21. Mee (veuillez lire: den 31. Mee) komm. An hirem Avis begrëisst d'Chambre de Commerce och d'Adaptatioun vun der Mietsubventioun. Si hätt awer gären, datt d'Erweiterung an d'Eligibilitëitskonditiounen, déi erhéicht sinn, u sech just sollen eng temporaire Mesure bleiven. Firwat? Well si fäerten ..., also et gëtt e Risiko: Si fäerten, datt dat allgemeng dozou féiert, datt d'Loyeren um Marché erhéicht ginn.

Den Avis vun der Handelskummer ass de 25. Mee komm. An hirem Avis begrëisst d'Chambre de Commerce d'Ëmsetzung an d'Rechemethod, soudass

d'Subvention de loyer ..., an d'Handelskummer mécht sech allerdéngs och hei Gedanken, datt duerch d'Subventionen u sech kéinten d'Loyeren allgemeng an d'Luucht gesat ginn.

Fir méi Detailler verweisen ech op dëser Plaz op mäi schrëftleche Rapport.

Här President, ech kommen dann zum Schluss vum mengem Rapport. Dëse Projet de loi ass e wichteg Puzzlestéck vun all deene Gesetzer, déi eis hëllefen, eis Gesellschaft ze stäerken. Mir erreechen domadder grad déi Stéit, déi et am schwéiersten hunn, mee och besonnesch déi Leit, déi ganz oft e ganz héije Loyer musse bezuelen, déi awer och en niddregt Akommes hunn, well si sinn engem héijen Aarmutsrisiko ausgesetzt.

Déi Subvention de loyer wäert et ville Leit erméiglechen, sech eng würdeg Wunneng ze leeschten, a mir gräfen hinnen esou ënnert d'Äerm an erlaben hinnen, eng besser Liewensqualitéit op deem Wee ze hunn.

Den Impakt fir d'Leit ass net negligéabel. An der Moyenne, wéi ech scho virdru gesot hunn – mee et ass wichteg, dat nach eng Kéier ze betounen –, an der Moyenne gëtt d'Subvention de loyer ëm ronn 50 % eropgesat.

Fir Iech hei nach eng Kéier e konkreet Beispill unzeginn: Mir si vun 155 Euro de Mount op ganzer 280 Euro de Mount eropgaangen. Dat wieren da ronn 3.400 Euro, ronn 2.000 Euro Ënnerschied par rapport zu der aktueller Situatioun. A grouss Famille kënne souguer bis zu 400 Euro de Mount u Subventiounen kréien.

Dat gesot, sinn ech natierlech immens frou, am Numm vum menger grénger Fraktioun hei den Accord zu dësem Projet de loi ze ginn.

Zum Schluss erlaben ech mer awer och op dëser Plaz, e ganz spezielle Merci ze soen un d'Madame Francine Cocard, déi deemnächst an hir wuelverdengte Pensioun wäert goen. Mee ech wëll awer wierklech och am Numm vum eiser Logementskommissioun Merci soe fir eng irreprochabel Aarbecht, fir eng diligent Aarbecht an einfach och fir dee Mënsch, deen hatt ass. Merci, merci villmools Francine!

Plusieurs voix | Très bien!

Mme Semiray Ahmedova (déi gréng), rapportrice | Merci.

Plusieurs voix | Très bien!

M. Fernand Etgen, Président | Merci der Madame Rapportrice Semiray Ahmedova.

An als éischte Riedner ass den honorabelen Här Marc Lies ageschriwwen. Här Lies, Dir hutt d'Wuert.

Discussion générale

M. Marc Lies (CSV) | Jo, merci, Här President, fir d'Wuert. Dir Dammen an Dir Hären, ech soen och der Rapportrice, der Semiray Ahmedova, e ganz, ganz décke Merci fir dësen detailléierten an ausféierleche Rapport.

Ech mengen, fir et direkt virewechzehuelen, d'CSV wäert dësen Text hei matstëmmen. Ech mengen, dat steet ausser Fro. Hei geet et ëm Hëllefen. Mir kennen d'Situatioun alleguerten, wéi se dobaussen ass, zemoos elo och mat där ganzer Kris, Energiekris, déi eis an deene leschte Méint da soi-disant iwwerfall huet.

Mir kennen awer och d'Problematik ronderëm de Wunnengsbau, wat näischt Neies ass a wou effektiv

iwwert déi lescht Joren ëmmer schonn driwwer debattéiert ginn ass.

Bon, ech mengen, d'Rapportrice huet et gesot, datt dësen Text hei eeben ervirgeet aus dem Projet de loi 7938, deen effektiv Enn leschtem Joer vum zoustännige Logementsminister deposéiert respektiv hei an der Chamber deposéiert ginn ass.

De Projet de loi 7938 huet awer dee Moment och nach eng aner Facette: Dat ass nämlech d'Reform vum dem 79er Gesetz iwwert d'Aide au logement.

Do ass den 7937, wat och een aner Element vum dëser Reform ass. Do wëilt ech vläicht nach zwee Wuert dozou soen, well eeben d'Problematik ronderëm de Wunnengsbau eis alleguerten extreem bewosst ass an eis awer och alleguerten extreem beschäftegt.

Do wëilt ech vläicht nach zwee Wuert dozou soen, well eeben d'Problematik ronderëm de Wunnengsbau eis alleguerten extreem bewosst ass an eis awer och alleguerten extreem beschäftegt.

Ech hunn et schonn e puermol an der Logementskommissioun gesot, datt et wichteg wär, datt mer dëse Sujet ronderëm dës Reform och in extenso an der Logementskommissioun sollen a mussen diskutéieren an och debattéieren. Virun e puer Wochen huet och de Syvicol en Avis zu dem 7937 ofginn, en Avis, dee sécherlech net extreem favorabel ass, wann et ëm d'Ëmsetzung vum dëser Proposition geet. An ech mengen, datt se och nach intensiv an deenen nächste Wochen a Méint diskutéieren, datt dee Moment och déi Iddien an déi Propose respektiv déi Kritik, déi do ugefouert ginn ass, kann an och soll a muss diskutéiert ginn.

Wann ech soen, datt all Gremium natierlech och säin Apport zu deem Ganze soll a muss droen, verweisen ech och op eng Proposition de loi, déi d'CSV d'lescht Joer gemaach huet. An ech hunn dem Här Benoy virdru ganz gutt nogelauschtert, och an der Steuerdebat, mengen ech, wou de Mëtten eng ganz Partie Proposen an Iddien op den Dësch komm sinn, wat och wichteg ass a wou och am Beräich vum Logement eng ganz Partie Pisten opgezeechent gi sinn. An do huet den Här Benoy, wat ech extreem begrëissen, och am Kader vum der Gestion locative sociale gesot, datt mer effektiv an deenen nächste Jore méi Efforten an deem Segment musse maachen.

D'Gestion locative sociale ass dat einfachst Segment, fir effektiv un erschwëngleche Wunnraum ze kommen, awer och fir géint de Leerstand virzegoen. An ech mengen, datt huet d'CSV zanter Jore propagéiert, a mat enger Proposition de loi, déi praktesch virun engem Joer hei gemaach ginn ass vun eiser Säit, ass e gewëssenen Incentif gesat.

An do widderspricht dat, wat den Här Benoy de Mëtte gesot huet, awer e bëssen deem, wat de Minister hei iwwert déi lescht Méint a Joren ëmmer gesot huet, datt effektiv dee privaten net soll an den erschwëngleche Wunnengsbau dee Moment mat eran integréiert ginn.

Här Benoy, Dir hutt dat de Mëtte gesot, datt effektiv de privaten ..., datt do effektiv och um steierleche Plang méi Efforte sollen an Zukunft gemaach ginn, wat mer absolut begrëissen. An duerfir, an deem Sënn, Här Benoy, géif ech Iech hei e bësse Lektür mat iwwert d'Summervakanz ginn, dat ass d'Proposition de loi 7856 vum der CSV vum Juli 2021. Do stinn nämlech effektiv Pisten dran, wéi een dat an Zukunft kéint ugoen.

An an deem Sënn soen ech Iech alleguerte Merci fir d'Nolauschteren, ginn natierlech den Accord vum der

CSV-Fraktioun zu dësem Text a wënschen dem Här Benoy „bonne lecture“ iwwert de Summer. Merci.

(Hilarité)

Une voix | Très bien!

M. Fernand Etgen, Président | Merci, Här Lies. An den nächsten ageschriwwene Riedner ass den honorabelen Här Max Hahn.

M. Max Hahn (DP) | Merci, Här President. Dass mir iwwerhaupt e Wunngeld hei zu Lëtzebuerg brauchen, ass eigentlech bedauerlech. Ech mengen, do si mer eis eens. Mee ech mengen, wann et esou eng Diskrepanz gëtt tëscht Offer an Demande, da féiert dat derzou, dass d'Logementspräisser an d'Luucht ginn. A fir dat e bëssen ofgefiederen, notament fir déi Leit, déi eebe sozial net esou gutt gestiwelt sinn – an dat sinn awer ganz oft déi, déi Locataire sinn –, ass d'Wunngeld 2016 agefouert ginn.

Zanterhier hu mer déi eng oder déi aner Adaptatioun gemaach, ëmmer an déi selwecht Richtung. Dat heescht, mir hu probéiert, d'Montanten an d'Luucht ze setzen. Mir hu probéiert, de Krees vun deenen, déi eligibel sinn, an d'Luucht ze setzen. Dat maache mer och haut mat deem heite Gesetzestext. An doriwwer eraus gi mer och op déi speziell, a jo, ganz schwierig Situatioun vu ville Monoparentallen an.

D'Wunngeld selwer, fir Iech ee Beispill ze nennen, ass awer considerabel. Wann een zum Beispill elengerzéiend ass mat engem Kand, da kann een nom Vott vun deem heite Gesetzestext bis zu 320 Euro bei sengem Loyer gehollef kréien, a pro Kand kann dat dann nach an d'Luucht goe bis 400 Euro de Mount.

Et kann ee soen, dat sinn eigentlech vill Suen. Wann een awer op där anerer Säit ... ass eppes, wat eis allegueren ze denke soll ginn, an dat hu mer allkéiers, wa mer iwwert deenen heiten Text an der Chamber geschwat hunn, ëmmer erëm opgeworf a mir hunn déi richteg Léisung nach net fonnt: Dat ass nämlech de Krees vun deenen, déi tatsächlech vun där Mesure hei profitéieren.

Et muss ee wëssen, de Krees vun deenen, déi heivu kënnen profitéieren, do si mer bei zwee Drëttel vun all de Locataire he zu Lëtzebuerg, déi vum Wunngeld kënnen profitéieren. Dat waren 2021, also d'lescht Joer, 36.000 Stéit, déi konnte profitéieren. An elo haalt Iech un: Et sinn der just 7.000, also ronn e Fënneftel, déi heivu profitéiert hunn.

Dofir muss mer kucken, och nach un déi aner ze kommen. Well et si schwierig Zäiten a mir hunn déi lescht Deeg hei ganz vill iwwert d'Energiepräisser geschwat, déi an d'Luucht ginn, wat sécherlech och nach derzou wäert bäidroen, dass déi Leit, déi sozial eebe méi schlecht do stinn, och nach an Zukunft enorm Schwierigkeete wäerte kréien. An do ass eeben dat Wunngeld hei ganz gutt an dofir ass et jo och an den Tripartite-Accord mat agefloss.

Nichtsdestotrotz – an dat vläicht eng Fro oder e Wunsch un de Minister, mee ech mengen, hie weess et, well hie war derbäi, wéi dat Gesetz hei gestëmmt ginn ass, a senger Fonctioun deemools nach als Deputéierten an och, wéi mer déi éischt Adaptatioun gemaach hunn -: Mir müssen och un déi Leit kommen. Et ass driwwer geschwat ginn: Mir müssen an d'Office-sociale goen. Mir müssen an d'Gemenge goen, fir Reklamm ze maache respektiv fir un déi Leit erunzekommen. Mir müssen och un déi auslännesch Press erugeen, fir déi Leit do cibléiert ze erreechen.

Vläicht huet de Minister do déi eng oder aner Iddi, wat mer nach kënnen maachen, fir d'Leit ze erreechen, well déi Mesure hei, sou gutt wéi se och ass, a se

ass ganz gutt, wéi gesot, déi ka just hir voll Friichten droen, wa mer dann och allegueren d'Leit erreechen.

Dëst gesot, e ganz, ganz grouse Merci un d'Semiray Ahmedova fir hire ganz gudden schrëfflechen a mëndleche Rapport. An ech géif da selbstverständlech och den Accord gi vun der Fraktioun vun der Demokratescher Partei.

Une voix | Très bien!

M. Fernand Etgen, Président | Merci, Här Hahn. An ech ginn d'Wuert weider un den Här Cruchten.

M. Yves Cruchten (LSAP) | Merci. Ech kann et e bësse méi kuerz maachen, well de Rapport vun der Madamm Ahmedova war esou prezis an esou detailléiert, dass eigentlech alles gesot ass. Ech gi selbstverständlech den Accord vun der LSAP.

Mir sinn der fester Iwwerzeugung, dass et richtig ass, souwuel de Montant an d'Luucht ze schrauwe wéi och de Cercle des bénéficiaires méi grouss a méi breet ze maachen. An dat, wat den Här Hahn elo geschwat huet doriwwer, wéi mer d'Leit erreechen, déi wierklech kéinten an de Genoss komme vun där Subventioun an et vläicht emol guer net wëssen, dat ass eng Fro, déi eis jo allegueren, d'Majoritéit an Oppositioun, zënter dass mer déi Subventioun hunn, eigentlech beschäftegt. An do muss mer allegueren Efforte maachen, mir, awer och an de Gemengen an iwwerall.

An ier ech awer ophalen, wéilt ech dem Här Benoy soen, dass ech em awer wënschen, dass e méi spannend Lektür fënnt wéi Proposition-de-loien ze liesen iwwert de Summer. Haalt Iech déi fir den Hierscht. Si ass ganz interessant, mee haalt Iech se fir den Hierscht. De Summer ass do, fir sech och e bëssen ze erhuelen an net, fir nach weider Gesetzter ze liesen.

Plusieurs voix | Très bien!

M. Fernand Etgen, Président | Merci, Här Cruchten. An da ginn ech d'Wuert weider un den Här Fernand Kartheiser.

M. Fernand Kartheiser (ADR) | An der Course ëm déi kierzte Ried, Här President, probéieren ech, mech elo gutt ze placéieren. Ech wollt der Madamm Ahmedova villmools Merci soe fir dee gudden Rapport.

Ech wëll just rappéléieren, dat hei kéint jo aus der Tripartite, datt d'ADR sech eigentlech fir den Indexsystem an där Form prononcéiert hat, wéi ee se ëmmer hat. Mee dat heite Gesetz huet trotzdeem eng ganz Rei vu wäertvolle sozialen Initiativen. An dofir wäerte mir et ënnerstëtzen a mat derfir stëmmen.

Ech soen Iech Merci.

M. Fernand Etgen, Président | Merci, Här Kartheiser. An da ginn ech d'Wuert weider un déi honorabel Madamm Nathalie Oberweis.

Mme Nathalie Oberweis (déi Lénk) | Här President, am Joer 2015, bei der Aféierung vun der Subvention loyer, huet mäi Virgänger, den David Wagner, um Schluss vu senger Ried resuméiert, dass ee vill Argumenter fir a géint des Subventioun ka virbréngen.

Derfir muss ee sinn, well een der Meinung ass, dass d'Locataire mat klengen Revenuen op engem Locatiounsmarché, deen ausser Kontroll geroen ass, mussen finanziell gehollef kréien, well si am allerwéinegste fir déi héich Loyere kënnen.

Dergéint kann een awer och sinn, well mat enger Subventioun d'Locataire just Sue kréien, fir dass se dem Bailleur en iwwerdeierte Loyer kënnen bezuelen, woumat d'Logementskris ëmmer méi déif a laangfristeg wäert ënnermauert ginn.

D'Konsequenz deemools war, dass si sech bei dëser Subventioun deemools enthalen hunn.

Mir sinn elo siwe Joer méi spéit, an néng Joer an der Mandatsperiod vun DP-LSAP-déi grëng. Legislativ si mer op der Loyersfro kee Meter méi wäit komm. De Marché huet sech awer mat ganz grouse Schrëtt weiderbeweegt. Anstatt politesch de Loyer an de Grëff ze kréien an dësen néng Joer, huet d'Regierung elo déi politesch Decisioun geholl, nach méi vun de Käschte vun dem Versoe vum Marché säit néng Joer ze kollektiviséieren a se der Allgemengheet opzebürden.

Well wat ass dat, wat mer hei beschléissen? Opgrond vun der Tatsaach, dass d'Logementskris sech ëmmer méi verdéift a verbreedert, andeems se vill Stéit ëmmer méi no un de finanziellen Ofgrond dreift an ëmmer méi Stéit och mat mëttlere Revenuen an d'Laberente bréngt, probéiert d'Regierung hei elo mat der Loyerssubventioun, dem Derapage bei de Loyere mat ëmmer méi staatlechen Hëllef hannendrunzelafen.

Mir sinn Zeie vun enger – mir nennen et – „schlächender Verstaatlechung“ vun de Loyer. Awer eng Verstaatlechung, déi och an éischter Linn als Konsequenz huet, dass de finanzielle Rendement vun oft grouse Vermieter a Promoteuren ofgeséichert gëtt. Op eng Lenkwirkung bei de Loyere gëtt, aktuell zumindest, komplett verzicht.

Här President, a puncto Loyer hu béid Regierungen ënnert DP-Féierung bis elo net vill opweises. D'Reform vun de Mietkommissionen am Koalitionsaccord 2013 huet bis haut net stattfonnt. Den aktuelle Logementsminister huet se och ëmmer erëm ugekënnegt, an der Lescht gouf et awer roueg.

D'Reform vum Loyersgesetz gehéiert awer och zu de gedéllegsten Dossiere vun der Majoritéit. Grouss ugekënnegt 2018, si mer elo véier Joer méi spéit mat enger Virlag do, jo, déi scheinbar net méi aktuell ass an awer och elo erëm iwwerschafft gëtt. Deen Dossier riskéiert dann och elo, vläicht erëm eng Kéier bis un déi nächst Majoritéit weiderzegoen. Eis Proposition de loi vun 2018 staamt dann nach aus der leschter Legislaturperiod.

Domat bleift an der Loyerspolitik just nach d'Subvention loyer iwwreg. D'Berechnungsformel gëtt elo ugepasst, soudass méi héich Montanten erauskommen. An hei gouf par rapport zur ursprénglecher Virlag vun dëser Reform vu virun engem Joer nach verbessert. Dass zukünftig d'Kompositioun an de Revenu vum Menage den Ausschlag solle ginn an net e Fantasie-Referenzloyer, ass sécherlech positiv ze gesinn.

Gläichzäiteg gëtt d'Zuel vun de Menagen, déi Urecht op d'Subventioun hunn, bis an d'Akomesmëtt vun der Gesellschaft erweidert. Der finanzieller Realitéit vu ville Stéit gëtt domadder Rechnung gedroen. Problematesch ass awer – an do kommen ech dann zréck op déi onverschimmte Loyerer um Privatmarché an de mangelhafte Gesetzeskader – déi Konditioun vun der Legalitéit vum Loyer, déi drasteet.

Wien iwwerpréift dann iwwerhaupt d'Legalitéit, wann net eng Mietkommissioun oder e Geriicht? Opgrond vu wat verweigert de Ministère engem Menage dann d'Subventioun, wann ee selwer de Capital investi guer net iwwerpréiwe kann? De Locataire kann dat selwer emol net wëssen, well en dofir d'Dokumenter net allegueren huet.

D'Mietkommissiounen fonctionéieren awer meeschtens net richtig, wann iwwerhaupt, deelweis guer net, an de Locataire zitt hei gären de Kierzeren.

Juristes gesinn huet de Locataire en immens schlechte Stand a muss am Reegelfall dat huelen, wat him gebuede gëtt. Déi 5%-Reegel ass der Realitéit net

méi ugepasst a gëtt vu kengem geholl, och net vun der Regierung, soss hätt se scho längst misse gesetzlech intervenéieren, fir dat ze änneren an d'Mietkommissioun besser opzestellen.

Här President, mir bleiwen also bei eiser Positioun vun 2015 an enthalen eis. D'Subvention loyer ass e bësse wéi Dafalgan, esou gesi mir et. Si hält d'Péng fir e kuerze Moment vu verschiddene Stéit ewech, mee d'Grënn vun dëser Péng ginn net behuuewen. Si kënnt ëmmer erëm um Enn vum Mount.

D'Logementskris betrëfft mëttlerweil 50 % a méi vun der Bevëlkerung an ufert ëmmer méi an eng allgemeng Sozialkris aus. D'Kris ass d'Resultat vu politischem Versoen iwwer Joerzénge. D'Locatairë mat ze héijem Loyer sinn awer am allermannste Schold dorunner. Dofir si mir och net géint dës Subventioun.

Merci fir d'Nolauschtenen.

M. Fernand Etgen, Président | Merci, Madamm Oberweis. An de leschten ageschriwwene Riedner ass den honorablen Här Marc Goergen.

M. Marc Goergen (Piraten) | Merci, Här President. Merci dem Semiray Ahmedova fir dee gudden Schrëftlechen a mëndleche Rapport. Ech kéint elo nach eng Stonn Kriticke bréngen iwwer de Logement, mee dat heiten ass awer eppes, wat aktuell elo de Leit, déi eng Wunneng hunn, direkt kann hëllefen. An et ass nun emol dat, wat se brauchen. D'Präisser lafe fort. Et ass eng sënnvoll Mesure, dofir stëmme mir et mat.

Merci.

M. Fernand Etgen, Président | Merci, Här Goergen.

D'Regierung huet d'Wuert, den Här Logementsminister Henri Kox.

Prise de position du Gouvernement

M. Henri Kox, Ministre du Logement | Merci, Här President. Ech sollt awer elo direkt nach e Merci soe vun der Madamm Oberweis, well si hat vergiess, der Rapportrice Merci ze soen. An dofir schléissen ech mech do direkt am Ufank un a soe Merci fir dee Schrëftlechen a mëndleche Rapport.

Merci och fir déi grouss Zoustëmmung zu dësem Gesetz, an dofir, ech maachen net allze laang, mee et ass mir awer wichteg, nach e puer Elementer derbäizefügen, firwat mer dëst hei an dësem Moment mat där Héicht a mat där Breet och maachen.

Et muss ee wëssen: Mir soen ëmmer „de Loyer“, „d'Loyerssubventioun“, mee déi Subventioun ass jo a sech ... de Loyer dukert een och oft mat de Chargen an et ass jo och koffer, wou ech an der Tripartite déi Propos gemaach hunn, dass een déi an d'Luucht hieft elo an dësem Moment an och virzitt, well jo och en Deel vun den Energiekäschte mat gedeckt ka ginn an d'Subventioun dat an engem och hei gutt ka fäerdegbréngen.

Dir hutt de Montant virdu gesot. Ech wëll deen net nach eng Kéier widderhuelen, mee e geet substanzuell an d'Luucht. Dofir véier Punkten, déi ganz wichteg fir mech sinn: Dat ass eeben d'Erhéijung, déi niewent dem Loyer och déi héich Energiekäschten – de Moment emol – nach kann decken. Et weess een net, wat elo nach op eis duerkënnt. Den zweeten ass och ganz wichteg, dass mer déi Subventioun virgezunn hunn. Fir den 1. August, wann et haut gestëmmt gëtt, gëtt dat applizéiert. An et war scho virgesinn, an dat war am Depot schon esou gesot, dass bis an d'Mëtt vun der Gesellschaft an de fënneften Decile materakënn (veuillez lire: dass bis an d'Mëtt vun der Gesellschaft Stéit an de fënneften Decile materakommen).

D'Einfachheet vun der Subventiounsausbezielung ass och heimat berücksichtig, well déi 4.000 Dosieren, déi mer an den Aides au logement hunn, ginn automatesch ugepasst. Dat heescht, den 1. August kommen déi automatesch an de Genoss vun där Erhéijung vun deene Primmen, déi mer virdu ... oder Subventiounen, déi mer gesot hunn.

E puer Wuert awer nach zur Eligibilitéit oder besser gesot: Wie kënnt an de Genoss? An dat ass de sougenannten Taux d'effort. Et ass mer wichteg ze soen, dass mer awer elo esou lues besser en Iwwerbléck hunn iwwer eise Logementsmarché, insbesondere well mer e LISER hunn, deen eng ganz Rei vu wichtigen Etüden och am Sozialberäich mécht. An dofir kënne mer eis drop stäipen, dass hei jo eng geziilt Moosnam ergraff gëtt, éischters nom Akommes an zweetens awer och nom Taux d'effort. An Dir wësst, am Gesetz steet, ab 25 % vum Taux d'effort, wat ee vu sengem Akommes muss opbréngen, geet an de Loyer (veuillez lire: also wat ee vu sengem Akommes muss fir de Loyer opbréngen), kann een op déi Subventioun zréckgräifen.

Dir wësst – an dat ass och vun e puer Virriedner hei gesot ginn –, dass a sech eng ganz Rei Stéit hei am Land eeben op déi Subventioun ugewise sinn. D'Zuele vläicht ganz kuerz awer: Am ënneschte Quintile, dat sinn déi 20 % vun eiser Gesellschaft, déi manner Akommes hunn, gëtt et awer Leit, déi éischters 50 % an der Locatioun sinn a bei deenen den Taux d'effort iwwer déi 25 %erausgeet, an dee geet esouguer bis op ... Pardon, do hat ech eng Méck, mengen ech.

(Hilarité)

M. Mars Di Bartolomeo (LSAP) | Fir e Veganer ass dat ganz schlëmm.

M. Henri Kox, Ministre du Logement | Majo, Dir sot et, Här Bartolomeo.

Ech mengen, et ass gutt elo. Pardon, entschëllegt. Wou war ech elo? Beim Taux d'effort nach eng Kéier, dass am ënneschte Quintile bis 50 % éischters an der Locatioun sinn an zweetens, dass den Effort ganz héich geet, bis 40 %. Dofir ass déi Moosnam eng ganz, ganz wichteg.

Ech wëilt awer och vum Impakt schwätzen, deen dës Moosnam op de Budget huet. Ech muss soen: Mir hunn 8 Milliounen elo virgesinn. Dat muss an d'Luucht goen! An et ass virdu gesot ginn, dass mer d'Leit nach net esou richteg errechen. An dofir muss een awer wëssen: Doduerch, dass mer elo vum Decile 4 op den Decile 5 eropginn, d'Eligibilitéit eebe méi grouss maachen, dass mer automatesch mat deenen ... de Moment sinn et 20 %, déi an de Genoss kommen an déi och déi Ufro maachen, wäerte mer erëm 3 % eroffalen, well mer jo méi Leit eligibel maachen. An ech muss soen, dass dee Chiffer elo eropgeet op 42.000 Stéit. Dat hu mer elo de Moment emol ausgerechent.

An dofir ass et ganz wichteg – an dat ass virdu gesot ginn –, déi Campagnen, déi elo muss gemaach ginn. Éischters, mir wäerte ganz aktiv gi vum Ministère aus, dass mer iwwer d'Medien de Grand public wëllen errechen. An dann ass awer och virdu gesot gi vun zwee oder dräi Virriedner, dass mer natierlech mat de Gemengen, awer och den Office-socialen zesummeschaffen, well si wëssen déi Clientèle unzeschwätzen. An da muss mer och iwwer d'Sprooch, d'Einfache Sprache ... mengen ech, fir déi Leit och ze errechen, muss mer eng aner Sprooch vläicht wielen, fir déi och besser ze errechen, sief et mat der Einfachheet vun dem Message, oder och mat der Sproochewillfalt, déi mer awer hei an deem Land hunn. An dofir wäert deen Discours dann zesumme

mat de Gemengen, mat den Office-socialen ugoen, fir dat da besser énzsetzen.

Une voix | Très bien!

M. Henri Kox, Ministre du Logement | Ech denken, dass mer hei vläicht nach net um „Ende der Fahnenstange“ sinn. Wann de Präis vum Brennes nach weider esou an d'Luucht geet, wäerte mer sécherlech nach eng Kéier hei mussen driwwer diskutéieren oder iwwer aner Moosnamen. Dir hat déi ganz interessant Debatt, déi ech och nogelauscht hunn, vu virdu, iwwer steierlech Moosnamen. Ech mengen awer, dass mer hei eng éischt ganz direkt gutt Moosnam cibléiert un déi maachen, déi et direkt brauchen.

Nach zwee Wieder iwwer déi vill Lektüren, déi do leie fir de Summer. Ech schléisse mech un, Dir sollt e bësse raschten. Ech wäert och e bësse raschten. Awer et läit genuch do, fir am Hierscht ganz intensiv unzuegoen. An ënner anerem wëll ech hiweisen – an d'Madamm Finanzminstesch hat et virdu gesot – op d'Grundsteier-iwwerschaffung, d'Spekulationssteuer, d'Leerstandssteuer an natierlech dat, wou ech och wäert dann den Depot maachen iwwer de Biais vum Premierminister, nämlech d'Bail-à-loyers-Gesetz, wou all dat, wat virdu schonn erwänt ginn ass, och nach eng Kéier reforméiert gëtt, fir dann och op deem Wee e besseren Encadrement vum Privatmarché ze errechen.

Ech soen Iech Merci.

Une voix | Très bien!

M. Fernand Etgen, Président | Merci dem Här Logementsminister Henri Kox. D'Diskussioun ass elo ofgeschloss.

Mir kommen elo zur Ofstëmmung iwwer de Projet de loi 8000B. Den Text steet am Document parlementaire 8000B⁵.

Vote sur l'ensemble du projet de loi 8000B et dispense du second vote constitutionnel

D'Ofstëmmen fänkt un. Mir maachen elo de Vote par procuration. De Vott ass ofgeschloss.

De Projet de loi ass mat 58 Jo-Stëmme bei 2 Abstentounen ugeholl.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden (par M. Laurent Mosar), Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Georges Mischo (par Mme Nancy Arendt épouse Kemp), Mme Octavie Modert, M. Laurent Mosar, Mme Viviane Reding (par Mme Martine Hansen), MM. Gilles Roth, Jean-Paul Schaaf, Marc Spautz, Serge Wilmes, Claude Wiseler et Michel Wolter ;

MM. Guy Arendt, André Bauler, Gilles Baum, Mme Simone Beissel, MM. Frank Colabianchi (par M. André Bauler), Fernand Etgen, Gusti Graas, Max Hahn, Mme Carole Hartmann (par M. Claude Lamberty), MM. Pim Knaff (par M. Max Hahn), Claude Lamberty et Mme Lydie Polfer ;

Mme Simone Asselborn-Bintz, M. Dan Biancalana (par M. Yves Cruchten), Mmes Tess Burton, Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary (par M. Marc Hansen), M. Marc Hansen, Mme Josée Lorsché, M. Charles Margue et Mme Jessie Thill (par Mme Djuna Bernard) ;

MM. Jeff Engelen, Fernand Kartheiser, Fred Keup et Roy Reding (par M. Fernand Kartheiser) ;

MM. Sven Clement (par M. Marc Goergen) et Marc Goergen.

Se sont abstenues : Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

6. 8020 – Projet de loi portant modification de :

1^o la loi modifiée du 1^{er} août 2007 relative à l'organisation du marché du gaz naturel ;

2^o la loi modifiée du 1^{er} août 2007 relative à l'organisation du marché de l'électricité

Mir kommen elo zum leschte Punkt vum Ordre du jour, de Projet de loi 8020, eng Ofännerung vum Gesetz iwwert d'Organisation vum Marché vum Äerdgas a vum Elektresch. D'Riedezäit ass nom Basismodell festgeluecht. An d'Wuert huet elo de Rapporteur vum dësem Projet de loi, den honorabelen Här François Benoy. Här Benoy, Dir hutt d'Wuert.

Rapport de la Commission de l'Environnement, du Climat, de l'Énergie et de l'Aménagement du territoire

M. François Benoy (déi gréng), rapporteur, en remplacement de Mme Jessie Thill (déi gréng) | Här President, Här Minister, Dir Dammen an Hären, ech wëll hei meng Kolleegin d'Jessie Thill, wat Rapportrice vum Gesetzesprojet 8020 ass, excuséieren. Si ass krank an dofir liesen ech hire Rapport vir an ech wënschen hir vun hei eng ganz gutt Besserung.

Wéinst der ugespaantener geopolitischer Lag duerch de Krich an der Ukrain huet sech d'Situatioun op den Energiemäert säit e puer Woche weider verschäerft. Dëst äussert sech duerch déi explosionsaarteg Hausse vun Energiepräisser a ganz besonnesch bei de Gaspräisser. D'Lag spëtzt sech ëmmer méi zou op den Energiemäert an huet och a verschidde Regiounen an der EU zu Ënnerbriechungen an der Gasversuergung gefouert. Och wa Lëtzebuerg manner russesche Gas bezitt wéi aner Länner an Deel vum belsche Gasmarkt ass, kéinten esou Ënnerbriechungen sech awer och op ons Energieversuergung hei auswirken an eventuell dozou féieren, datt de Plan de délestage, den Noutfallplang, deen am Kader vun engem europäesche Règlement opgesat gouf, declenchéiert misst ginn.

D'Gesetz vum 1. August 2007 iwwert d'Organisation vum Gas- a vum Strommarkt gesinn an dësem Fall Noutfallmesurë vir, déi am Zenario vun enger Versuergungsgefahr oder enger Bedroung vun enger physischer Sécherheet oder der Sécherheet vu Persounen, Geräter oder Anlagen oder och der Integritéit vum Réseau ergraff kënnen ginn a soumat d'Energieversuergung weider garantéieren.

Fir sécherzestellen, dass d'Moossname mat der gréisstméiglecher Effizienz ergraff kënnen ginn, ass et wichteg, dass kee Risiko vun enger méiglecher Insécurité juridique besteet. Dohier zielt dëse Gesetzesprojet drop of, d'Bestëmmungen mat den institutionellen Ufuerderungen a Bezuch op déi Persounen, déi d'Bezug hunn, d'Moossnamen ze ergräifen, an Aklang ze bréngen, dëst och a Bezuch op d'Bedéngungen vun der Noutwendegkeet, der Adequatéit an der Proportionalitéit.

Zum Avis vum Staatsrot: Et gouf zwou Opposition-formellen, fir déi de Staatsrot Amendementer proposéiert huet an deene vun der Kommissioun Rechnung gedroe gouf. Als legistesche Observatioun gouf just proposéiert, den Intitulé ze reformuléieren.

Zu den Aarbechten an der Kommissioun bleift ze soen, dass dëse Gesetzesprojet no sengem Depot den 3. Juni 2022 vum Energieminister an dem Avis vum Staatsrot vum 5. Juli 2022 de 6. Juli an der Kommissioun virgestallt an examinéiert ginn ass. An der selwechter Sitzung goufen déi zwee Amendementer, wéi se vum Staatsrot proposéiert goufen, ugeholl an d'Jessie Thill zur Rapportrice ernannt. Den 8. Juli gouf dunn hire schrëftleche Rapport gestëmmt an an deem fannt Der och weider Detailler zum Gesetzesprojet.

D'Rapportrice wollt hei dann nach eng Kéier dovun profitéieren, jiddwerengem e grouse Merci ze soe fir d'Aarbechten un dësem wichtege Gesetz. Mir hu ganz séier an der Kommissioun geschafft an der Hoffnung natierlech, dass mer dat Gesetz hei net brauchen.

An ech ginn an deem Sënn och den Accord vun der grénger Fraktioun a soen der Rapportrice vun hei och nach eng Kéier villmools Merci. An ech géif dann awer och den Depot vun enger Motioun maachen, déi och vun der DP a vun der CSV ënnerschriwwen ass.

Motion 1

« Sécurité d'approvisionnement en gaz naturel et en électricité du Luxembourg »

La Chambre des Députés, considérant

– la motion adoptée par la Chambre des Députés en date du 15 mars 2022 au sujet de l'approvisionnement et de la sécurité énergétique du Luxembourg ;

– la situation géopolitique tendue actuelle liée à la guerre en Ukraine et la tension des marchés de l'énergie, ainsi que l'envolée des prix de l'énergie, dont notamment du gaz naturel ;

– que le maintien de la sécurité de l'approvisionnement représente un des objectifs clés de la politique énergétique du gouvernement luxembourgeois ;

– les paquets de sanctions restrictives de l'Union européenne et de ses États-membres visant à affaiblir la base économique de la Russie et la réduction de la dépendance par rapport aux importations de produits énergétiques russes ;

– les réductions de fourniture de gaz russe vers l'Europe via le gazoduc de la mer Baltique Nord Stream 1, et les risques de ruptures y relatifs dans certaines régions de l'Union européenne et l'impact potentiel sur l'approvisionnement en énergie du Grand-Duché de Luxembourg ;

– l'arrêt d'une grande partie des réacteurs nucléaires à cause des problèmes de corrosion mettant la France dans une situation inhabituelle d'importatrice d'électricité en été qui amplifie l'insécurité de l'approvisionnement électrique de l'Europe de l'Ouest ;

– le plan d'urgence qui risque d'être déclenché en cas de rupture d'approvisionnement en gaz naturel ;

– le plan de préparation aux risques du Luxembourg pour le secteur de l'électricité qui oriente les acteurs concernés en cas de rupture d'approvisionnement en électricité,

saluant

– les réunions du groupe de coordination pour le gaz de l'Union européenne qui ont comme but de coordonner les efforts au niveau européen ;

– la publication par la Commission européenne d'un document sur la situation actuelle fin juillet et la réunion des ministres de l'Énergie le 26 juillet 2022 ;

– les évaluations dans le contexte de la coopération régionale au sein du groupe de soutien sur la sécurité d'approvisionnement du « Forum pentalateral de l'Énergie » (PLEF), reflétant les scénarios différents pour garantir la sécurité énergétique dans le cadre d'une rupture d'approvisionnement en énergie ;

– les réunions bimensuelles de la « cellule de crise de gaz » belgo-luxembourgeoise ayant comme but d'analyser et d'évaluer la situation actuelle et d'identifier des démarches communes pour le marché commun gazier belgo-luxembourgeois ;

– l'adaptation du plan d'urgence en incluant un plan de réduction de la consommation pour les différents secteurs et entreprises luxembourgeois, suivi par des échanges parallèles constants avec les parties prenantes concernées ;

– la coopération interministérielle concernant la préparation à tous les scénarios et la réalisation d'une campagne d'information auprès de la population ;

– des échanges réguliers avec le Haut-Commissariat à la protection nationale (HCPN) pour garantir le partage d'informations afin de pouvoir réagir de façon appropriée le moment venu,

invite le Gouvernement

– à poursuivre ses efforts actuels et à se préparer à différents scénarios pour le Grand-Duché de Luxembourg sur base d'études et de prévisions disponibles afin de prendre des mesures adéquates ;

– à suivre la situation de près, à se concerter en permanence avec les pays voisins afin de préparer des scénarios adaptés et à continuer à œuvrer au niveau européen pour la solidarité et coopération européenne ;

– à renforcer le rôle pionnier de l'État concernant l'amélioration de l'efficacité énergétique ;

– à continuer ses efforts d'aide et de sensibilisation quant au soutien des ménages en précarité énergétique.

(s.) François Benoy, Max Hahn, Cécile Hemmen.

Mir wëssen, dass d'Situatioun um Energiemarkt ganz ugespaant ass, apart de Gas- an den Elektreschmarkt. An der Motioun geet et ëm d'Versuergungs-sécherheet fir de Gas an d'Elektrizitéit zu Lëtzebuerg.

(Brouhaha)

M. Michel Wolter (CSV) | Et ass net schlëmm, Dir hat just d'CSV an d'LSAP verwieselt.

M. François Benoy (déi gréng), rapporteur, en remplacement de Mme Jessie Thill (déi gréng) | Uff, dat deet ... jo, ok, ok. Dat deet mer leed. Also, d'Motioun deposéieren ech a se ass och vun der DP a vun der LSAP ënnerschriwwen. Wannechgelift entschëllegt mech!

M. Yves Cruchten (LSAP) | Alles ok, alles ok.

(Brouhaha)

M. François Benoy (déi gréng), rapporteur, en remplacement de Mme Jessie Thill (déi gréng) | Wien hutt Der elo ausgetosch? Géint wien? Ok, gutt.

Also, wéi gesot, an der Motioun geet et ëm d'Versuergungssécherheet fir Gas an Elektrizitéit zu Lëtzebuerg. Mir consideréieren an der Motioun, dass mer eng geopolitisch ugespaante Situatioun an héich Präisser um Energiemarkt hunn, dass d'Versuergungssécherheet awer en Haaptzil vun der lëtzebuerger Energiepolitik ass an dass et awer mëttlerweil mat der Situatioun, déi mer hunn, e Risk vu Rupturë gëtt beim Gas zu Lëtzebuerg.

D'Noutfallpläng a puncto Gas an och Strom sinn awer do. A mir saluéieren déi grouss Efforten, déi op europäeschem Niveau gemaach ginn, fir dass d'Situatioun gutt koordinéiert ... an dass mer se koordinéiert ugin, och a Collaboratioun mat der Belsch, well mat hinnen hu mer jo e gemeinsame Gasmarché, an dass och do permanent Upassung gemaach ginn och a puncto vun den Urgence-Pläng an dass och grad eng Informationscampagne préparéiert gëtt, fir d'Populatioun an den nächste Méint ze informéieren, wann et zu e bësse méi ugespaante Situatiounen kënnt.